

Redovni izvještaj dnevnih događaja i pojava

Izvještaj se odnosi na događaje u vremenskom periodu od 17.08.2026. godine od 08:00 sati do 18.08.2026. godine do 08:00 sati. Prema podacima kojima raspolaže Kantonalni operativni centar CZ-e, službe od posebnog značaja radile su na izvršavanju svojih redovnih zadataka.

POŽARI (LP-3)

Grad Bihać- Vatrogasna jedinica grada Bihaća imala je pet intervencije na gašenju požara:

- Od 07:42 do 09:02 sati na Plješevici, gdje je gorjela šuma (ne odnosi se na veliki požar u reonu Baljevca-Plješevica).
- Od 14:16 do 19:25 sati u mjestu Vedro Polje, gdje je gorjela trava, nisko rastinje i napuštena kuća.
- Od 16:00 do 17:45 sati u mjestu Orašac, gdje je gorjela trava i nisko rastinje.
- Od 22:20 do 23:09 sati u mjestu Bijelo Brdo, gdje je gorjela trava.
- Od 19:30 do 20:10 sati u mjestu Golubić, gdje je gorjela trava.

U ranim jutarnjim satima 16.08.2026. godine došlo je do požara u reonu Baljevca na planini Plješevici. Požar je i dalje aktivan. U gašenju učestvuje 18 vatrogasaca sa nekoliko vatrogasnih vozila. Na terenu se nalaze i radnici ŠPD „ Unsko-sanske šume“ – Šumarija Bihać, pripadnici GSS-a i članovi humanitarne organizacije SOS. Dana 16.08.2026. godine je poslan zahtjev za pomoć OS BiH. Dana 17.08.2026. godine, u poslijepodnevnom satima gašenju požara uključio se helikopter OS BiH. Zbog sijevanja i grmljavine u večernjim satima, prekinutu je gašenje požara helikopterom, a nastavak gašenja očekuje su u ranim jutarnjim satima.

Općina Bosanski Petrovac

Informacije s požarišta Crni vrh-Grmeč za 17.08.2026.

Prema informacijama prisutnih uposlenika šumarije, danas je gašenju prisustvovalo preko 130 ljudi. Spriječeno je širenje požara tokom dana. Zbog tinjanja vatre ispod površine nemoguće je ugasi potpuno. Zbog najavljenog vjetra u popodnevnom satima, a zbog sigurnosti ljudstva, svi su povučeni iz šume oko 15 sati. Ukoliko vjetar bude jačeg intenziteta i bez kiše postoji mogućnost ponovnog širenja požara. Cisterna civilne zaštite i cisterna šumarije danas su bile aktivne i dalje su na raspolaganju radnicima šumarije koji rukovode gašenjem.

U koordinaciji sa opštinskim štabom, danas je Crveni križ obezbjedio 150 obroka i vodu za sve angažovane na gašenju.

Požar i trenutni smjer vjetra trenutno ne ugrožavaju domaćinstva.

Grad Bosanska Krupa- Vatrogasna jedinica grada Bosanska Krupa imala je dvije intervencije na gašenju požara:

- Od 12:01 do 13:00 sati u mjestu Muslimanska Jasenica, gdje je gorjelo nisko rastinje.
- Od 20:30 do 22:00 sata u mjestu Vranjska-Gudavac, gdje je gorjela trava i nisko rastinje.

Grad Cazin- Vatrogasna jedinica grada Cazina imala je tri intervencije na gašenju požara:

- Od 09:15 do 10:52 sati u mjestu Salkići, gdje je gorjela šuma.
- Od 11:45 do 13:30 sati u mjestu Gornja Koprivna, gdje je gorjelo nisko rastinje.
- Od 13:20 do 15:30 sati u mjestu Donja Lučka, gdje je gorjela trava i šuma.

Općina Ključ- Vatrogasna jedinica općine Ključ imala je intervenciju od 15:20 do 17:00 sati u mjestu Sanica, gdje je gorjelo nisko rastinje.

Općina Sanski Most- Vatrogasna jedinica općine Sanski Most imala je pet intervencija na gašenju požara:

- Od 09:30 do 12:00 sati u mjestu Trnova, gdje je gorjela šuma i nisko rastinje.
- Od 10:53 do 12:20 sati u mjestu Sasina, gdje je gorjela šuma i nisko rastinje.
- Od 11:42 do 17:00 sati u mjestu Sasina, gdje je gorjela šuma i nisko rastinje.
- Od 13:32 do 13:50 sati u mjestu Jezernica, gdje je gorjela trava.
- Od 16:07 do 16:55 sati u mjestu Stari Majdan, gdje je gorjela divlja deponija smeća.

Ostale vatrogasne jedinice nisu imale intervencija.

OBLAST SAOBRAĆAJA (prohodnost puteva, drumski i željeznički saobraćaj)

Zbog radova na sanaciji nadvožnjaka na lokalitetu Orljani na magistralnoj cesti Bihać-Ripač, zatvoreno je skretanje sa magistralne ceste prema naselju Ribić-Orljani.

Zbog radova na sanaciji klizišta na magistralnom putu M4.3. Bužim-Brigovi, saobraća se usporeno, jednom trakom naizmjenično.

Zbog radova na izgradnji pješačke staze, saobraća se usporeno, naizmjeničnim propuštanjem vozila uz ručnu regulaciju saobraćaja u gradu Bihaću.

Duge su kolone vozila na izlazu iz Bosne i Hercegovine na graničnom prelazu Izačić, na ostalim graničnim prelazima, za sada, putnička vozila ne čekaju duže od 30 minuta.

BEZBJEDNOST U SAOBRAĆAJU (LP-7) (saobraćajne nezgode)

U protekla 24 sata na području Kantona desilo se dvanaest saobraćajnih nezgoda.

Pet lica zadobilo je lakše tjelesne povrede, te je pričinjena materijalna šteta.

OŠTEĆENJA ELEKTRIČNE MREŽE (LP-18)

U općini Ključ je od 02:26 sati van napona 10 kV dv Gračanica.

Elektroenergetski sistem je stabilan.

OBLAST TELEKOMUNIKACIJA (LP-18)

Telefonske veze funkcionišu u svim pravcima.

OBLAST VODOSNABDIJEVANJA (LP-18)

Grad Cazin - Zbog povećane potrošnje i smanjenog kapaciteta na izvorštima uvedene su redukcije u snabdjevanju. Redukcije će trajati nekoliko sati u različitim vremenskim periodima, tokom dana i noći, za pojedine grupe potrošača, a posebno za korisnike vodovodnih sistema Vignjevići i Tahirovići.

Općina Bužim - Zbog smanjenog kapaciteta i velike potrošnje pitke vode uvedene su redukcije za naselja koja se snabdijevaju sa izvorišta Pivnice i Musići.

Vodosnabdijevanje u ostalim općinama i gradovima je zadovoljavajuće.

NEEKSPLODIRANA UBOJNA SREDSTVA NUS (LP-19)

Nije bilo prijava pronalaska NUS-a.

METEOROLOŠKO-HIDROLOŠKA SITUACIJA

U gradu Bihaću u 08:00 sati temperatura je iznosila 19 °C.

Vodostaj rijeke Une iznosi 20 cm, (početak obavještavanja je 100 cm).

U općini Sanski Most u 08:00 sati temperatura je iznosila 16 °C.

Vodostaj rijeke Sane iznosi 74 cm (početak obavještavanja je 310 cm).

Napomena: Služba civilne zaštite i zaštite od požara Velika Kladuša, te Služba za civilnu zaštitu i vatrogastvo Bužim nije dostavila Redovni izvještaj.